

BETAPI ENGGAU PENGAJAR PALSU .

Lesson 12 for September 19, 2026




**“laban senyata ti dikena kami
beperang ukai senyata dunya, tang
kuasa Allah Taala kena ngerusak kuta”
(2 Corinthians 10:4, ESV)**



Paul ngaga misi iya seruran nemu pasal semua eklisia. Namahal? Ngambika nemu enti sida begunaka sebarang tulung, penemuai, sekeda pengelantang, tauka jaku peransang (2 Kor. 11:28).

Kadang-kadang iya dipadahka pasal pengajar ti pelesu ti ngasuh orang ti arap tesangkut. Lebu utai tu nyadi, rasul nya penuh enggau pengeringat (2 Kor. 11:29).

Ba pengujung surat iya ti kedua ngagai orang Korint, Paul ngenang pasal penanggul bala pengajar ti pelesu tu. Baka ni kitai ulih ngelala sida? Baka ni kitai ulih ngelaban sida ba perang rohani tu? Baka ni kitai ulih mutarka sida?



Perang rohani:

- Senjata dikena nyerang (2 Korint 10:1-11)
- Pengelikan ti betul (2 Korint 10:12-18)



Betapi enggau pengajar ti pelesu:

- Orang ti nipu nyaru diri nyadi rasul .(2 Corinthians 11:1-15)
- Paul enggau pengajar ti pelesu (2 Corinthians 11:16-31)
- Peresa diri empu serta peda pemujur (2 Corinthians 12:14-13:10)

PERANG ROHANI





SENJATA TI DIKENA NGELABAN.



laban senyata ti dikena kami beperang ukai senyata dunya, tang kuasa Allah Taala kena ngerusak kuta.” (2 Corinthians 10:4)

Paul dituduh penakut sereta enda bepengarap ba diri empu, taja pan iya bejaku kasar dalam surat iya (2 Kor. 10:10).

Dikena nimbai penemu tu, Paul enggau terang nunjukka iya ngasaika diri ulih kasar ba diri empu baka dalam surat, tang iya enda deka nunduk ngena “senjata tubuh” (baka surat kuasa, runding kepapas, tauka muji diri empu), tang semina deka ngena senyata “ti berkuasa dalam Allah Taala” (2 Kor. 10:2-4).

“Senjata” tu nyengkaum ngereja pengawa enggau pamaruh ati sereta penelap baka Kristus (Mat. 11:29). Tang sida mega deka bediri tegap ngelaban pengawa ti salah, baka Jesus (Mat. 21:12-13), tauka bejaku enggau terang lebu mayu ti patut (Mat. 23:23-27).

Kuasa Paul udah diberi Kristus ngagai iya, lalu iya deka seruan ngena kuasa nya kena ngemansangka, ukai kena ngerusak (2 Kor. 10:8).



SENJATA PENGELINDUNG TI BETUL

Orang ke baka nya patut nemu, utai ti ditulis kami lebu kami enda begulai enggau kita, sigi deka mega dikereja kami lebu kami begulai enggau kita." (2 Corinthians 10:18)


Bala pakar orang ke belajar pasal pengidup bansa Gerika minta duit ti mayuh ngagai nembiak ke deka belajar ari sida. Kena narit ati bala nembiak tu, sida mantaika penemu diri, penuduk sosial, tauka orang ke beguna ke ngelala sereta bebasaka sida. Tu mega pengawa bala pengajar pelesu ti nyeresap ngagai Korint (2 Kor. 10:12; 11:19-20).




Tang Paul enda minta bayar ketegal bekunsika penemu iya, iya enda mantaika surat pemendar lalu iya enda temegahka diri empu. Lalu iya dipeda enda manah ketegal utai tu! Baka ni iya ulih ngetanka diri?

Baka ke begunaka iya dipuji ba mua orang Korint ngambika diterima sida. Tang ukai Iya ti patut muji diri empu (J-lam. 27:2). Paul ngasuh Allah Taala nyadi orang ti muji iya (2 Kor. 10:18).

Enti bisi utai ti tau dikemegahka tauka dipuji kitai, iya nya ngelala Allah Taala sereta ngasika Iya (Jer. 9:24; 2Kor. 10:17).





**BETAPI ENGGAU
PENGAJAR TI PELSU**

PENIPU NYARU DIRI NYADI RASUL

*"Laban orang ke temegah baka nya, nya nabi ti pelesu, pengelakar, ke nyaru diri nyadi rasul Kristus."
(2 Corinthians 11:13)*



Paul deka mai gerija ti tuchi ngagai Kristus (2 Kor. 11:2). Tang gerija bisi dalam penusah deka ditipu, baka Hawa, lalu badu agi nyadi pengantin indu Jesus (2 Kor. 11:3).

Nama penusah ti bendar? Orang Judah ti muji diri nyadi “rasul ti besai” Jesus udah datai di Korint ngajar “Jesus ti bukai,” “roh ti bebida,” enggau “injil ti bebida”. (2 Cor. 11:4-5; Gal. 1:8).


Enti bisi orang nginjil pasal Jesus ukai reti sida nunjukka Jesus ti bendar ngagai kitai, baka ti dipadahka dalam Bup Kudus. Jaku sida engka manah amat, tang Sitan empu mega nemu bejaku utai ti ngalitka ati lalu mantaika diri “nyadi melikat penampak” (2 Korint 11:14).



Ari pengawa enggau jaku sida, pengajar ti bendar ngajar “pemendar Kristus” (2 Kor. 11:9-10). Tang bala pengajar ti pelesu, ti semina ngaga diri bepengarap, nya penginjil ti nipu ti nyaru diri nyadi rasul (2 Kor. 11:13-15).

PAUL ENGGAU PENGAJAR TI PELSU

"Kati sida nya orang Hebrew? Aku mega orang Hebrew. Kati sida nya orang Israel? Aku mega orang Israel. Kati sida nya peturun Abraham? Aku mega peturun Abraham." (2 Corinthians 11:22)



Nama utai ti sebaka antara Paul enggau bala pengajar ti pelesu? Semua sida nya orang Judah ti udah masuk pengarap Kristian (2 Kor. 11:22).

Nama bida antara seduai iya? Ditu meh pun pengawa gila Paul: "Kati sida tu ulun Kristus? (Aku udah gila bejaku baka tu.) Aku lebih agi" (2 Kor. 11:23 NIV). Enti sida ke bukai nya temegah ati laban udah merinsa ketegal Kristus, Paul jauh agi layak: dipalu; dijil; dikemelika enggau pemat; dituku enggau batu; kapal karam ba tasik; ditelan enggau penusah ti bebida; ngasaika lapar, aus, chelap, enggau telanjai; seruran berundingka bala eklisia (2 Kor. 11:23b-29).

Lalu ditu meh pengujung "pengila" Paul. Iya enggai meri peragam ti madahka diri deka temegah ati ketegal utai ti udah dikereja iya ke Kristus. Pengemeran (tauka mulia) iya ti bendar nya utai ti udah dikereja Kristus ke iya.




Pengering iya ti bendar bisi ba pengelemi iya, ti ngujungka iya bepanggai bendar ba Jesus .(2 Cor. 11:30-31; 12:6-10).

PERESA DIRI ENGGAU PEMENANG

"Peresa diri empu, kena nentuka kita amat idup ngena pengarap tauka enda. Uji diri empu. Kati kita enda nemu Jesus Kristus bisi dalam kita? Nyangka meh kita nemu diri enda mujur lebuah kita nguji diri empu!" (2 Corinthians 13:5)

Maya Paul deka nemuai ngagai Korint nyau semak. Nama utai ke deka ditemu iya lalu baka ni iya patut ngereja utai nitihka nya? (2 Kor. 13:1-2).





Paul udah bersedia deka ngena disiplin eklisia enggau tegap: mulaika orang ke nesal ati, lalu ngukum orang ke kering ati.

Penakut iya, lebuah iya datai, iya deka tetemuka sida dalam laya enggau mayuh macham dosa. Iya takut deka nyabak ketegal orang bedosa ti enda nesal ati (2 Kor. 12:20-21).

Nya alai, sebedau maya nya datai, orang Korint patut berunding sereta meresa diri empu (2 Kor. 13:5).

Paul, ari sepiak iya, besampika sida ngambika sida badu ngereja utai ti jai lalu ngereja utai ti manah, lalu nyadi chukup manah (2 Kor. 13:7-9).



“Nembiak Allah Taala bepanggai ba Bup Kudus nyadika pelindung sida ari ti kena panjuk pengajar ti pelesu enggau kuasa roh pemetang ti nipu. Sitan ngena semua chara ti ulih dikena iya nagang mensia ari ngulihka penemu pasal Bup Kudus; laban jaku iya ti terang ngayanka tipu iya. Ba tiap kali pengawa Allah Taala angkat baru, tuai penyai diangkatka ngagai pengawa ti balat agi; iya diatu benung bebendar enggau naka ulih nyendia ka perang ti penudi ngelaban Kristus enggau bala nembiak Iya. [...] Utai ti tiru nya nyau deka sebaka enggau utai ti bendar nyentukka enda ulih dibida antara sida enti enda ngena Bup Kudus. Ari saksi sida tiap iti jaku enggau tiap iti kereja ajih mesti diuji.”